

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Tawen XL No. 14  
Hulyo 21, 2009  
www.philippinerevolution.net

*Editorial*

# Singiren ti rehimen nga US-Arroyo kadagiti linabsing na a katulagan iti tungtongan a pangkappia

**M**aawatan la unay ti nasaknap a kinaawan-talek ken panagduadua iti intar dagiti rebolusyonaryo a puersa ken umili mainaig kadagiti motibo ti Gubyrno ti Republika ti Pilipinas (GRP) iti panangilukat na manen iti tungtongan a pangkappia iti rebolusyonaryo a tignayan. Nakaat-atiddog ken nadara ti listaan dagiti panaglabsing ti GRP kadagiti immunan a katulagan iti baet daytoy ken ti NDFP. Dagiti naka-ulpit a panagatake ti rehimen nga US-Arroyo kadagiti rebolusyonaryo, progresibo, ken kadagiti kabusor na iti politika ket ad-adda pay a mapakpakaro bayat a ngannganin ti panaggibus ti Oplan Bantay Laya (OBL) ken ti madama a rehimen.

Mainayon ditoy ti nakaad-adu pay a dadakkel nga anomalya ken nadadagsen a kaso a kriminal ti agturturay a rehimen, maibilangen ti panagbalin na nga aso-aso ken panangted-dalan iti ad-adda pay nga interbensyon dagiti imperyalista a bileg ken interes iti pagilian, ti nakaro a korapsyon ti bunggoy nga Arroyo, ti nakaro a panangparparigat ken panangidaddadanes na iti umili ken ti nadumaduma a narurugit ken naranggas a plano na tapno makakayetket iti poder.

Agbawbaw-ing ita ti rehimen nga US-Arroyo iti pammarang a negosasyon iti sango ti pannakapaay daytoy a dadaelen ti rebolu-

syonaryo a tignayan. Masapul ti kagurgura ken bista-don a rehimen a mapataud ti kastoy nga ilusyon iti pannakapaay na nga ep-eppen dagiti kumarkaro nga atake ken panagsupyat laban iti daytoy ken mapalukay ti dalan para iti gagar na nga agtultuloy nga agturay iti labes ti 2010.

Awan ti manamnama ti rebolusyonaryo a tignayan a mapangngeddeng a panagbalbaliw manipud iti maysa a rehimen a nanglukluko kadagiti napalabasen a katulagan ken iti umili. Nupay kasta, kanayon a nakalukat ti rebolusyonaryo a tignayan a makisarita iti nakatakder a reaksyonaryo a gubyrno tapno maala ti



***Dagiti tampok  
ditoy nga isyu...***

**Naan-anay nga  
ipatungpal ti JASIG**

PANID 3

**Dagiti senaryo a  
destabilisasyon**

PANID 6

**Kudeta idia y Honduras  
PANID 9**

ania man a mabalin a gun-oden a pagsayaatan para iti rebolusyonaryo a tignayan ken umili nga awan ti panangikompromiso iti prinsipyo ken awan ti panaglukay iti armado a pannakidangadang a kangrunaan a wagas.

Iti sango ti natibker a takder ti rebolusyonaryo a tignayan ken gapu iti nakaro a presyur iti agturturay a rehimen, naobliga daytoy nga iyatras ti sumagmamano a kondisyon a nagserbi a lapped iti panaglukat manen ti pormal a tungtongan a pangkappia. Maibilang ditoy ti panangibabawi iti ipilpilit na a pangmabayagan a sispayr sakbay pay nga irugi ken bayat a maiyaramid ti tungtongan.

Inyatras metten ti rehimen ti bangbangir a suspensyon iti Joint Agreement on Safety and Immunity Guarantees (JASIG) para iti proteksyon dagiti miembro ti *negotiating panel*, konsultant, ken istap a karaman iti tungtongan. No ipaypayso ti rehimen ti panangparaia ti JASIG, pangmabiitan a malappedan daytoy ti agsasaruno a panagdukot ken panagaresto kadagiti konsultant ken istap ti *negotiating panel* ti NDFP.

Winaswas metten ti rehimen ti

Inter-agency Legal Action Group (IALAG) nga inusar na tapno lipiten ken idarum kadagiti parparbo a kaso dagiti miembro, konsultant, ken istap ti NDFP *negotiating panel*. Partikular ditoy dagiti panangatake iti chief consultant daytoy a ni Kadua nga Jose Ma. Sison ken adu pay a lider ken aktibista ti naitian demokratiko a tignayan.

Immanamong metten ti rehimen a naan-anay a paandaren ti Joint Monitoring Committee (JMC) para iti panangsubaybay kadagiti panaglabsing iti karbengan-*tao*. Idi 2004 pay a rumbeng a nabukel daytoy mayannurot iti probisyon ti Comprehensive Agreement on Respect for Human Rights and International Humanitarian Law (CARHRIHL).

Inawat ti NDFP ti diaya ti GRP a sumango manen iti negosasyon kas panangbigbig metten iti panangikagumaan ti tagaballaet ti agsumbangir a benneg, ti gubyrno ti Norway. Ibilbilang ti NDFP a gundaway daytoy tapno masingir ti rehimen iti adu pay nga atraso na ken makaala pay kadagiti nayon a benepisyo. Iti kasta, naikeddeng ti panaglukat manen ti pormal a tungtongan a pangkappia inton

Agosto.

Rumbeng a singiren ti rehimen iti adu a panaglabsing daytoy iti The Hague Joint Declaration ti 1992 a nangioplastar kadagiti tarabay a prinsipyo, balangkas ti adyenda, ken kondukta ti tungtongan a pangkappia. Rumbeng met a singiren ti rehimen ken dusaen dagiti responsable nga opisyal ti gubyrno, militar, polisya, ken ahensya a pangseguridad iti adu a nakakaro a panaglabsing iti CARHRIHL, JASIG, ken dadduma pay a katulagan.

Malaksid iti pannaka-ungawen ti IALAG, rumbeng latta pay nga ibasura ti nasurok sangaribu a kaso nga inimbento na ken wayawayaan dagiti nakabalud basar kadagiti kasta a kaso.

Rumbeng met a singiren ken pasardengen ti rehimen iti agtultuloy a panaglabsing na iti karbengan-*tao* ken internasyonal a makatao a linteg.

Rumbeng met a mailatag ken mapagkaykaysaan ti panangibasura iti Anti-Terrorism Law (a naawagan nga "Human Security Act") ken ti panangipataw kadagiti nauulpit a dusa iti kaso a rebelyon kas iti tungpal-biag a pannakaibalud. Maikaniwas daytoy iti CARHRIHL ken kadagiti bukod a linteg mismo ti aso-aso a republika. Maikaniwas met daytoy iti pakinakem ti tungtongan a pangkappia ken iti panangibangon ti nainkalintegan ken pangmabayagan a kappia.

Mainaig latta pay kadagiti panaglabsing iti karbengan-*tao*, rumbeng nga ipatungpalen ti nabayag a natantan a katulagan iti panangited ti GRP ti danyos kadagiti biktima ti pasista a diktadura a Marcos. Ti pannakataktak daytoy iti uneg ti nasurok maysa a dekadang ket lallalo pay a mangpalpalatak iti agtultuloy a nakakaro a panaglabsing iti karbengan-*tao* ti reaksiyonyo ken aso-aso nga estado iti pagilian.

Maysa a tulbek nga usapin a su-



Tawen XL Blg. 14 Hulyo 21, 2009

Ti *Ang Bayan* ket maipabpablaak iti Pilipino, Bisaya, Iloko, Hiligaynon, Waray ken Ingles.

Mabalin nga i-download daytoy manipud iti Philippine Revolution Web Central a masarakan iti:

[www.philippinerevolution.net](http://www.philippinerevolution.net)

Umatat ti *Ang Bayan* kadagiti kontribusyon iti porma dagiti artikulo ken damdamag. Awisen mi dagiti agbasbas nga agipatulod kadagiti dillaw ken rekomendasyon para iti idudur-as ti dyaryo tayo. Ipatulod dagitoy babaen ti email iti:

[angbayan@yahoo.com](mailto:angbayan@yahoo.com)

## Linaon

### Editorial

Singiren ti rehimen nga US-Arroyo kadagiti linabsing iti tungtongan a pangkappia	1
Naan-anay nag ipatungpal iti JASIG	3

### Panagdadael ti pasista nga estado

Kinaranggag militar idia Albay, Maguindanao ken ComVal	4
Pannakawayaway ni Principe, malaplappedan	4
225 pamilya, pimmanaw	4
Nasyonal a tigil-pasada	5
13 sinagrap ti ng militar	6
Parparbo a destabilisasyon	6
Cheaper Medicines Act	7
Anomalya iti danum	8
Kurakot iti panagangkat ti Vietnam rice	8


### Ti Ballasiw taaw

Kudeta idia Honduras	9
Damdagam	10

Ti *Ang Bayan* ket ipabpablaak dua a beses tunggal bulan ti Komite Sentral ti Partido Komunista ti Pilipinas.

magmamano a tawen metten a singsingiren ti NDFP ti panangibabawi ti GRP ti suporta na iti panangibilang ti US ken sumagmamano pay nga imperyalista a pagilian iti CPP, NPA ken kenni Kadua nga Jose Ma. Sison iti listaan da kadagiti “ganggannaet a terorista.” Maikaniwas daytoy iti rebolusyonaryo ken saan a terorista a galad ti mawaywayat nga armado a rebolusyon iti Pilipinas. Maikaniwas met daytoy iti The Hague Joint Declaration a mangilanlanad a ti tungtongan a pangkappia iti baet ti NDFP ken GRP ket nakabalangkas iti prinsipyo ti nailian a soberanya ken teritoryal nga integridad ti Pilipinas. Mayannurot iti daytoy a prinsipyo, awan ti karbengan ti ania man a ganggannaet a bileg (aglalo ti US nga isu ti Numero Uno a Terorista iti lubong) a makibiang kadagiti internal a risiris iti uneg ti pagilian. Iti katulagan idia Oslo idi 2004, direkta nga immanamong ti GRP a mangiruar kadagiti pormal nga unilateral ken agtipon a pablaak a sumupsupyat iti panangibilang dagiti ganggannaet a bileg iti CPP, NPA, ken kenni Kadua a Sison iti listaan dagiti “terorista,” ngem linabsing ti GRP daytoy. Saan a mabalin nga umabante ti tungtongan no agtultuloy nga agliklik ti GRP iti pormal ken nalawag a panangibabawi ti suporta na iti panagilista.

Iti sango ti nakaro a krisis iti pagbiagan iti intero a lubong ken iti pagilian ken nakadakdakel a kinapateg daytoy iti biag ti umili a Pilipino, importante la unay ita ti panangtungtong ken panangbukel iti Comprehensive Agreement on Social and Economic Reforms (CASER).



Daytoy ti nakalatag nga adyenda idi maisardeng ti pormal a tungtongan. Kagiddan na ket mabalinen a rugian dagiti grupo manipud iti agsumbangir a benneg ti panangbukel ti inisyal a borador para iti Comprehensive Agreement on Political and Electoral Reforms (CAPER) nga isu ti sumaruno nga adyenda. Sumaruno pay ditoy ti adyenda ti pananggibus iti gubat ken disposisyon ti puersa, a rumbeng laeng a maikabil iti pungto a paset ti tungtongan, uray no daytoy ti kayat la unay nga unaen ti GRP.

La ketdi nakalukat iti tungtongan ti GRP, rumbeng a sanguen

## Naan-anay nga ipatungpal ti JASIG

**K**as panangbigbig iti JASIG, agpampanawagan ti NDFP iti GRP nga insigida a wayawayaan ken ibasura dagiti kaso nga inim-bento ti Malacañang tapno paruaren a ligal ti panangaresto ken panangibalud kadagiti konsultant ti NDFP *negotiating panel* ken miembro ti nadumaduma a *working committee* iti tungtongan a pangkappia. Maibilang ditoy da Randall Echanis, Angelina Bisuña-Ipong, Elizabeth Principe, Glicerio Pernia, Eduardo Sarmiento, ken Eduardo Serrano. Rumbeng a mawayawayaan isuda sakbay a mairussuat ti pormal a tungtongan. Inrupir met ti NDFP a rumbeng a maibasura met dagiti mandamyento de aresto laban kada Vicente Ladlad ken dadduma pay a konsultant ti NDFP ken tapno natalged a makadaray da iti tungtongan.

Mayannurot ditoy, inruar ti GRP ti inisyal a listaan ti innem a konsultant ti NDFP nga ikkan manen ti JASIG. Dagiti nakalista ket madama a nakabalud wenno adda dagiti agraraira a mandamyento tapno maaresto ida bunga ti nadumaduma a parparbo a kaso a kriminal.

Ipanpanawagan met ti NDFP ti insigida a panangwayawaya iti dadduma pay a politikal a balud nga imbalud ti GRP manipud 2001 ken dagiti nakalista mayannurot iti Oslo Joint Statement II.

Rumbeng met a maaddaan ti pudno nga imbestigasyon kadagiti puersa ti GRP a responsable iti panangpatay iti konsultant ti NDFP a ni Sotero Llamas ken iti panangdukot kada Leo Velasco, Prudencio Calubid, Rogelio Calubad, Leopoldo Ancheta, Phillip Limjoco, ken adu pay a dadduma a saklaw ti JASIG. Rumbeng a maiparang isuda no nabiag da pay. No natay dan, rumbeng a maited dagiti bangkay da ken maikkan ti hustisya dagiti biktima. AB

tayo daytoy iti negosasyon tapno irupir dagiti maiparbeng nga usapin ken gun-oden ti ania man a banag a magun-od para iti pagsayaatan ti rebolusyonaryo a tignayan ken umili, kasano man kabassit wenno temporaryo dagitoy. Mapaay man ti pannakinegosasyon iti madama nga agturturay, mabalin latta pay nga agserbi a puonan para iti pannakitungtong iti sumaruno a rehimen ti ania man a mapagtutulan ita, ken mabalin a tungtongen manen iti sumaruno ti ania man a maitantan nga usapin ita. Kabayatan na, dagiti nagun-oden ken magun-od pay iti tungtongan ket mangpapiaksa ken mangpatibker iti agtultuloy nga umab-abante nga armado a rebolusyonaryo a pannakidangadang. AB



## Kinaranggas militar idia'y Albay, Maguindanao, ken ComVal

**B**in-ig nga inosente a sibilyan ti biktima ti nadumaduma a kaso ti kinaranggas militar kadagiti probinsya ti Albay, Maguindanao, ken Compostela Valley a nakalap ti *Ang Bayan* ita nga Hulyo.

**Hulyo 13.** Napaltogan ken nasugatan ni Joel Ascutia, presidente ti CONDOR-PISTON, iti Rizal Street idia'y Daraga, Albay. Imanmaneho ni Ascutia ti dyip na iti 4:00 ti parbangon idi paltogan isuna ti dua a lallaki a nakamotor-siklo iti batog ti Petron idia'y Daraga. Nagsagrap ni Ascutia ti dua a tama ti bala iti bukot. Napasamak ti panagpaltog iti aldaw ti nasyonal a tigil-pasada dagiti organisasyon ken alyansa dagiti drayber ken opereytor.

**Hulyo 12.** Natay ti maysa nga ubing a babai nga agtawen ti 11 iti operasyon a panagkamat ti militar laban iti adda kano iti likud ti panagbomba idia'y Cotabato City.

Natay iti reyd iti Sultan Kuda-

rat idia'y Maguindanao ti ubing nga adda iti Grade 5 iti Muammad Elementary School kalpasan a paltogan dagiti operatiba ti Task Force Tusig. Nasugatan met ti dua pay a sibilyan. Simrek dagiti soldado iti balay dagiti biktima ken bigla laengen a pimmaltog da.

**Hulyo 4.** Binugbog ken dinukot dagiti soldado ni Alvin Lopez, 25, maysa a mannalon ti Maot, San Jose, Monkayo, Compostela Valley.

Nairaked ken puerasaan a nailugan ni Lopez iti lugan dagiti soldado iti maysa nga operasyon militar. Napasamak ti insidente kalpasan ti maysa a rinnupak iti baet dagiti gerilya ti NPA ken ti militar. Inggana ita ket mapukpukaw pay laeng ni Lopez. AB

## Pannakawayawaya ni Elizabeth Principe, malaplappedan

**L**aplappedan ti Criminal Investigation and Detection Grupo (CIDG) ti pannakawayawaya ni Elizabeth Principe, politikal a balud ken konsultant ti National Democratic Front of the Philippines. Ni Principe ket nasurok 19 bulan a nakabalud iti Custodial Center ti Camp Crame.

Ti pannakawayawaya ni Principe ket inmandaren ti Regional Trial Court Branch 30 idia'y Nueva Vizcaya kalpasan a maibasura idi Hulyo 6 ti naudi iti innem a kaso a kriminal a naidatag laban kenkuana. Sakbay daytoy, naibasuran dagiti kaso laban kenkuana idia'y Cauayan, Isabela; Dupax, Nueva Vizcaya; ken Candon, Ilocos Sur. Iti bangir na, ibirbirokan ti CIDG ti depekto ti mandar iti panangwayawaya kenni Principe. AB

## 225 pamilya, pimmanaw gapu iti militarisasyon

**D**umanonen iti 225 pamilya ti naummong ita iti Municipal Gym ti Lianga, Surigao del Sur kalpasan nga agbakwit tapno protesta ti militarisasyon kadagiti komunidad da.

Itay Hulyo 18, naggigiddan a pimmanaw ti 176 pamilya (agarup 1,200 indibidwal) manipud iti Panukmuan, Manluy-a, Simuwaw, Emerald, Km-16, Han-ayan ken Yadawan, agpapada a komunidad dagiti minorya a Manobo idia'y Lianga. Ti naggigiddan a panagbakwit dagiti residente ket panangprotesta iti iyar-aramid nga operasyon militar ti uppata a platun a maibilang iti 58th IB ken 41st Division Reconnaissance Company a nagrug idi Hulyo 13.

Nangipataw dagiti pasista a soldado ti *food blockade* ken linimitaran da ti tignay dagiti residente (paisurat iti *logbook* ti nagan dagiti rummuar iti komunidad). Pililit met a marekrekrut dagiti residente iti Task Force Gantangan (awag iti CAFGU a mabukbukel iti intar dagiti nainsigudan).

Partikular a pagpupudotan dagiti soldado ti Alacadev High School, maysa nga eskuelaan dagiti nailian a minorya. Ipilpilit dagiti soldado a kompiskaen ti istak day-

toy a makan ken alaen ti rekord dagiti estudyante iti eskuelaan, banag a nagkedkedan dagiti titser ti eskuelaan ken sangsangkamaysa a sinupyat dagiti residente.

Idi Hulyo 15, nakidayalogo dagiti residente kadagiti opisyal dagiti agop-operasyon a yunit ti militar tapno irupir ti panangpatakyas kadagiti soldado. Idi agkedked ti militar, nagdesisyon dagiti residente a sangsangkamaysa a pumanaw iti lugar. Sakbay pay daytoy, nagbakwiten ti 49 pamilya (255 indibidwal) manipud iti Purok 5, Barangay San Isidro, Lianga. Ti panagpanaw iti lugar da ket panangprotesta iti operasyon ti maysa a platun iti uneg ti 58th IB Charlie Company. AB

# Nasyonal a tigil-pasada, nairussuat

**N**asurok 80% ti pangpubliko a transportasyon ti naparalisa idi Hulyo 13 idi mangirussuat ti maysa a nasyonal a tigil-pasada ti maysa a koalisyon dagiti dati ken baro a timpuyog ken pederasyon dagiti drayber ken opereytor dagiti dyip, taksi, bus, ken traysikel iti panangidaulo ti Pagkakaisa ng mga Samahan ng mga Tsuper at Operator Nationwide (PISTON), kakuyog ti dadduma pay a lider dagiti unyon ti mangmangged dagiti kumpanya ti bus. Ti koalisyon ket nanaganan a Task Force July 13.

Nairussuat ti tigil-pasada iti Metro Manila, Baguio, Cavite, Laguna, Batangas, Rizal, Quezon, Bicol (malaksid iti Catanduanes ken Masbate), Cebu, Davao City, Cagayan De Oro City, Iligan City, General Santos City. Dua met nga aldaw a naparalisa ti kadakkelan a paset ti Panay ken Guimaras (Hulyo 13-14).

Kinondena dagiti nagwelga ti nakabasbassit a panangkissay iti presyo ti gasolina ti Petron, Pilipinas Shell ken Caltex/Chevron, kasta met ti panangmanipula da iti presyo ti gasolina ken produkto a petrolyo, kas iti *liquefied petroleum gas* (LPG) iti pagdaksan ti ordinario a konsyumer.

Segun kenni Steve Ranjo, presidente ti PISTON, dumanon iti ₱4.31 inggana ₱8 tunggal litro ti sobra a panagpresyo kadagiti produkto a petrolyo idi Hunyo 2009.

Tapno masigurado ti panangakup iti ginabgabsuon a ganansya, kiskissayan ti tallo a dadakkel a kumpanya ti langis iti bassit laeng a balor ti presyo ti *diesel* ken gasolina ngem ingatngato met nga husto ti presyo ti LPG. Kuna ni Ranjo, iti bangir ti panagbagsak ti presyo ti LPG iti sangalubongan a pagtagilakuan, agtultuloy met ti panangngato ti presyo ti LPG ditoy Pilipinas manipud ₱480 nagturong iti ₱600 kada tangke manipud Hunyo inggana Hulyo.

Inrupir ti Task Force July 13 ti

panangi-sardeng iti awan ressat ken manangalilaw a panangingato iti presyo ti la-



ngis, ti regulasyon ti industriya ti langis, ken pannakaikkat ti *value-added tax* (VAT) iti langis. Sinupyat met ti grupo ti baro a gakat ti World Bank a mangipataw ti *excise tax* iti langis.

Nagpanawagan met ti kabuklan a kalihim ti PISTON a ni George San Mateo nga iboykot dagiti motorista ti Petron, Pilipinas Shell, ken Caltex/Chevron tapno agbunga ti binilibyon a panakalugi dagitoy ken maawan ti gubyrno nga Arroyo ti minilmilyon a koleksyon ti VAT. **AB**

## Dagiti kabataan, nagrali kontra *con-ass*

AGTULTULOY ti panagtignay ti umili laban iti *con-ass* ni Gloria Arroyo. Idi Hulyo 10, maysa a nasyonal a koordinado a panagtignay ti inrusuat dagiti kabataan ken estudyante kas panangsupyat iti cha-cha ken *con-ass* ti rehimen.

Nagrali dagiti ginasut a kabataan ken estudyante iti panangidaulo ti Kabataan Party ken dagiti progresibo nga organisasyon idiyay Manila. Nagmartsa da inggana Liwasang Bonifacio ken kalpasan na ket nagdiretso idiyay Mendiola. Segun kenni Alvin Peters, *convenor* ti Kabataan Kontra Chacha, ti panagtignay da ket laban met iti ania man nga addang ti rehimen a mangideklara ti martial law tapno makatalinaed ni Arroyo iti turay inkaso a madiskaril ti *cha-cha* nga iyab-abante dagiti aso-aso na iti Kongreso.

Kabayatan na, nagrali met dagiti kabataan ken estudyante iti nadumaduma a paset ti pagilian. Nangirussuat ti *walkout* kadagiti klase da dagiti estudyante ti University of the Philippines-Ba-

guio. Iti Southern Tagalog, nagpiiket dagiti estudyante iti opisina ti Commission on Higher Education (Ched) idiyay Calabarzon. Segun iti National Union of Students in the Philippines-Southern Tagalog, lallalo a kumaro ti krisis iti edukasyon no ipilit ti *chacha* ni Arroyo gapu ta mapalubosan ti 100% a panagtagikua dagiti ganggannaet kadagiti eskulaan.

Maysa met a *torch parade* ti nairussuat idiyay Iloilo City iti daydi met la nga aldaw kas protesta iti *cha-cha*. Idiyay Mindanao, nangirussuat met ti rali dagiti kabataan iti Davao City Freedom Park ken kadagiti syudad ti General Santos ken Koronadal. Nadagsen met a kinondena da ti serye ti panagbomba idiyay Mindanao nga aramid ti rehimen nga US-Arroyo.

## 13 kaswalti sinagrap ti militar kadagiti labanan

**D**ua a soldado ti natay ken 11 ti nasugatan iti uppat nga agsisina a taktikal nga opensiba nga inrussuat dagiti Nalabaga a mannakigubat ti NPA idia Min-danao.

Maysa a soldado ti 27th IB ti nasugatan idi ambusen dagiti Nalabaga a mannakigubat ti NPA ti Front 72 dagiti agpatpatrolya nga elemento ti militar idia Barangay Sinapulan, Columbio, Sul-tan Kudarat itay Hulyo 18.

Maysa met a sarhento ti 23rd Division Reconnaissance Com-pany ti natay ken innem kadagiti tao na ti nasugatan idi ambusen dagiti mannakigubat ti NPA dagi-toy bayat nga agpatpatrolya da iti Sityo San Juan, Barangay La Fortuna, Impasug-ong, Bukidnon itay Hulyo 16. Pakaibilangan ti maysa a korporal ken lima nga elemento ti CAFGU dagiti nasu-gatan.

Maysa a soldado ti natay ken tallo nga opisyal ti nasugatan idi ambusen dagiti gerilya ti Pulang Bagani Command 3-BHB ti kom-boy dagiti pangmilitar a lugan ti 21st Light Armor Company idia Barangay Puntalinao, Banayba-nay, Davao Oriental itay Hulyo 11. Inambus met dagiti gerilya dagiti immarayay a soldado ti 28th IB iti Barangay Pintatagan iti dayta met la a munisipalidad.

Idi met Hulyo 13 ket nasu-gatan ti maysa nga elemento ti CAFGU idi harasen dagiti Nalaba-ga a mannakigubat ti Front 34-BHB ti detatsment ti militar idi-ay Barangay Melale, Laak, Com-postela Valley.

## Dagiti senaryo a destabilisasyon ni Arroyo

**K**asla pinakalma laeng dagiti parparbo a senaryo a destabilisasyon ti rehimen nga Arroyo tapno paruaren a natalna ti kasasaad iti pa-gilian iti panawen a bimmisita ditoy ti hepe ti US Central Intelli-gence Agency a ni Leon Panetta idi Hulyo 12 tapno personal a makisari-ta iti aso-aso a presidente. Kalkalpas laeng idi ti nagsasaruno a panag-pabettak iti Metro Manila ken Mindanao.

Dagiti nagsisinggalot a pala-wag ti nadumaduma nga opisyal ti rehimen nga Arroyo ken ti AFP ma-ipanggep iti nangidaulo kadagiti panagbomba ket lallalo laeng a mangpampaneknek a daytoy ket paset dagiti bukod a plano ti rehi-men tapno makakayetket iti poder. Maisupadi iti imbaga ni National Security Adviser Norberto Gonzales a ti nagsasaruno a panagbomba iti Metro Manila ket aramid ti maysa a bassit laeng a grupo a nakabase iti Metro Manila ken Central Luzon ken awan ti silpo na kadagiti panag-bomba idia Mindanao, imbaga ni Maj. Gen. Jogy Leo Fojas, hepe ti AFP National Capital Region (NCR) Command a ti Metro Manila ti isa-runon dagiti terorista a nagbomba idia Mindanao ken adda kanon na-subaybayan da nga uppat nga ele-mento ti Abu Sayyaf ken Jemaah Islamiyah a mangiyaramid iti day-toy iti NCR. Ni Fojas ket pinaguli-mek laengen dagiti amo na iti AFP ken Malacañang idi lallalo laeng a madlaw iti panagparbo na ti isto-rya nga adda agpayso panggep ti rehimen nga agiwaras ti pammut-buteng iti pagilian tapno maikasa na dagiti narurugit a plano na.

Sakbay daytoy, naibu-taktak ti "Oplan August Moon," maysa a plano a nasapa a mangipatu-gaw kenni Gen. Delfin Bangit kas he-pe ti AFP. Ni Bangit, ti pinakapaborito nga

heneral ni Arroyo, ti namnamaen na tapno mas epektibo a makontrol na ti militar ken mausar daytoy iti panangipataw ti "emergency rule," panangibangon ti "gubyerno a transisyon" ni Arroyo ken dadduma pay a plano nga agkasapulan ti na-karo a pananglipit.

Kanayon laengen nga adda kas-toy a plano ni Arroyo tunggal adda makita na a seryoso a pangta iti panagturay na, wenno iti kaso ita, no adda dakkel a posibilidad a ma-paay ti plano na a makapagpaut iti turay. Idi Pebrero 2006 ket plano koma ni Arroyo a padanonon iti martial law ti deklarasyon na nga "state of emergency," ngem nalap-pedan dagiti tignay-protesta day-toy ken simmupyat ti sumagmama-no a miembro ti kabinete na. Idi met mapasamak ti panagtignay da Sen. Antonio Trillanes IV ken Gen. Danilo Lim iti Manila Peninsula idi-ay Makati City idi 2007, minanda-ran ni Arroyo ti House Speaker idi a ni Jose de Venecia a makinegosa-syon kada US State Secretary Colin Powell ken US National Security Adviser Condoleezza Rice tapno palubosan ti deklarasyon ti marti-

al law iti Pilipinas. Numan pay saan a natungpal idi ti pa-gayatan ni Arroyo, itul-tuloy na latta dagiti dakes a panagplampla-no na.

Nakaipablaaken ti rehimen nga Obama a kaykayat na koma a saan unay a mariribuk iti



dakkel a gulo dagiti interes ti US ken intero nga agturturay a sistema iti Pilipinas. Numan pay kasta, agtultuloy nga agdawdawat ti pammalubos ni Arroyo tapno maituloy ti cha-cha ken ti uray limitado wenno apagdarikmat nga "emergency rule" no masapul, tapno laeng agtultuloy isuna a makapagserbi kas kangrunaan nga aso-aso ti US. Pangal-allukoy na ti panangisigurado met kadagiti probi-

syon iti *cha-cha* a pumabor iti adda pay a ganansya ti US iti ekonomya, militar, ken politika iti pagilian.

Agtultuloy nga agnamnama ni Arroyo a palubosan ti US dagitoy a plano. Para iti daytoy, karaisao latta dagiti opisyal ti aso-aso a rehimen dagiti pammutbuteng. Us-usaren ti rehimen ti kaudian a panagbomba iti dua nga hotel idiaay Jakarta, Indonesia idi Hulyo 17 kas

"pammaneknek" nga adda dagiti maikaskasa a "terorista a panagbomba." Agtultuloy nga agsagsagana da Arroyo a maaddaan ti napigpigs a kontrol iti militar. Papi-irtengen da ti surbeylans iti publiko ken manaynayonan dagiti tropa ti militar ken polisya a nakadestino ita iti Metro Manila kas panagsagana inkaso nga ituloy nga agpayso ti rehimen ti nakabutbuteng a plano na.

AB

## Cheaper Medicines Act, napagbalin nga inutil

Gapu iti presyur manipud kadagiti multinasyonal a kumpanya ti agas, igaggagara ni Gloria Arroyo a taktaken ti panangpirma na iti maysa a mandar a mangikedkeddeng iti 50% nababbaba a presyo iti 21 kangrunaan nga agas. Ti panangiruar iti *executive order* ket maysa kadagiti probisyon ti Cheaper Medicines Act a naipasa idi pay napalabas a tawen, ngem inggana ita ket saan pay a maipatpatungpal. Ti saan a panangiruar ti mandar ti presidente ket maysa a wagas tapno pagbalinen nga inutil ti linteg.

Nailanad iti linteg nga agbenepisyo ti umili kadagiti nalaklaka nga agas babaen iti panangikeddeng ti presidente ti pagpatinggaan ti presyo dagiti agas, panagangkat kadagiti nalaka nga agas manipud iti sabali a pagilian, ken panangipasaknap iti publiko ti impormasyon maipanggep iti nadumaduma a pagpili-an a nalaka nga agas kadagiti botika. Malaksid ditoy, adda met probisyon ti linteg a lusotan ti panangusar kas instrumento dagiti kumpanya iti agas kadagiti *patent* (eksklusibo a lisensya tapno agmanupaktura ken agilako kadagiti baro a produkto).

Ipagpagarup ti linteg nga umandar ti kompetisyon tapno maipababa ti presyo dagiti agas. Ngem ti agpayso ket awan ti pudno a kompetisyon nga agraraira iti industriya ti agas iti pagilian gapu iti nairut a monopolyo ditoy ti dadakkel a ganggannaet a kumpanya ti agas. Kadakkelan a lapped iti panangipa-



baba ti presyo dagiti agas ti kina-awan ti pudno a nailian nga industriya ti agas. Ti Pilipinas ti maysa kadagiti pagilian nga addaan nakangatngato a presyo dagiti agas iti intero a lubong. Gapu iti monopolyo ken kinaagum iti superganansya ti dadakkel a ganggannaet a kumpanya ti agas, inggana maminsangapul a darasa nangangatngato ti presyo dagiti agas iti Pilipinas kompara iti India, Bangladesh, Brazil, ken adu pay a pagilian.

Imbes a maaddaan ti mandar, agtultuloy ti pannakitinnawar dagiti multinasyonal a kumpanya ti agas iti rehimen. Boluntaryo da kano laengen nga ibaba ti presyo dagiti agas nga ilaklako da. Nangaramid pay ti Pfizer ti gimik a panangidiaya iti gubyrno ti P5 milyon a balor ti "discount cards" para iti P100 milyon a balor ti agas nga ilaklako na — maysa a nakalinged a porma ti panagpasuksok tapno laeng saan a maigalut daytoy kadagiti linteg ken mandar a mangikeddeng ti presyo dagiti agas na.

Itay Hulyo 20, inwaragawag dagiti multinasyonal a kissayan da iti inggana 30% laeng (imbes a 50%) ti 15 iti 21 agas nga intudo ti Department of Health.

Kinwestyonaran met ti Health Alliance for Democracy (HEAD) ti ar-aramiden nga addang dagiti kumpanya ti agas. Segun iti HEAD, imbes a ti gubyrno ti mangidiktat iti presyo ti agas ket dagiti kumpanya pay ti agas ti mangikedkeddeng iti presyo da tapno mas maprotektaan dagiti pastrek da.

Sumagmamano a tawenen a laplappedan dagiti multinasyonal ti panangipasa kas linteg ti panangipababa iti presyo ti agas ken agingga ita ket pilit latta a laplappedan da ti pannakaipatungpal daytoy. Nakatultulnog met ti rehimen kadagiti nakadakkkel a kumpanya ti agas isu a napalalo ti panangliklik na nga iruar ti mandar a mangipababa iti presyo dagiti agas.

Agpada a panggep da Arroyo ken dagiti multinasyonal a kumpanya ti agas a liklikan ti panangiruar iti mandar gapu ta makalapped kano daytoy iti nawaya a kompetisyon. Inakseptar met ni Arroyo a saan na a kayat ti mangaramid ti ania man a banag a pagpungtotan dagiti ganggannaet nga agpupuonan. Daytoy ket uray biag ken pagimbaganen ti umili ti nakapusta.

AB

# Anomalya iti proyekto iti danum, naibutaktak

**N**aibutaktak itay nabiit ti nakadakkakel nga anomalya iti proyekto para iti konstruksyon ti Laiban Dam iti munisipalidad ti Tanay, Rizal. Inkamakam ti Metropolitan Waterworks and Sewerage System (MWSS) ti “*bidding*” daytoy tapno pormal a maiteden ti kontrata iti San Miguel Bulk Water Co. Inc. (SMBWCI).

Idi Hulyo 2 laeng a nangiparuar ti anunsyo ti MWSS para iti Build-Operate-Transfer (BOT) ti proyekto ken inserra ti subasta daytoy idi Hulyo 8. Awan ti sabali a limmaok iti daytoy a subasta no di ti SMBWCI, maysa a subsidyaryo ti San Miguel Corporation, a tagikua ti maysa kadagiti kadadakkelan ken kabibilegan a kroni ni Arroyo—ni Eduardo “Danding” Cojuangco. Tapno sigurado nga awanen ti sabali nga aginteres pay iti proyekto, kellaat a nagdawat ti MWSS ti nangatngato nga *entrance fee* a P1 milyon a saanen a maisubli iti *bidder* no saan a mapili daytoy. Iti sistema ti MWSS ket inggana P7,500 laeng ti rumbeng a singiren daytoy nga *entrance fee*.

Daytoy a panagkamkamakam ket nakaro a pagduaduaan, aglalo

ta ti Laiban Dam ti kadakkelan ken kagastosan a proyekto ti MWSS iti nasurok 130 tawen a pakasaritaan na.

Ti agpayso ket idi Pebrero pay a bukubukod nga agtungtungong ti rehimen nga Arroyo ken ti SMBWCI maipanggep iti daytoy a proyekto. Nangisubmitar ti SMBWCI ti gakat nga ituloy ti napaay a konstruksyon ti Laiban Dam uray awan pay daytoy kadagiti plano ti MWSS. Nabayagen a lutlutuen da ti proyekto ken ti sinsinan a patalastas maipanggep iti *bidding* ket inaramid da laeng tapno surotan ti teknikalidad ti linteg ti gubyrerno.

Natantya idi nga aggatad ti Laiban Dam ti \$1 bilyon wenno kabatog ti P52 bilyon. Ngem iti plano nga insubmitar ti SMBWCI, dumanon ti kabuklan a gastos iti \$2 bilyon. Duapulo ket lima a porsiyento

laeng daytoy a balor ti magastos iti aktwal a konstruksyon ti dam. Ti dakkel a bulto ket gastosen kano iti relokasyon ken rehabilitasyon dagiti mapapanaw a residente no matuloy ti konstruksyon—banag a mangiluklukat iti dakkel a pangalaan ti kurakot.

Tinawen, agsingir met ti SMC ti nasurok P15.5 bilyon malaksid pay iti mainayon nga adyasment para iti implasyon, makonsumo man wenno saan ti nakakontrata nga isuplay na a danum. Kaipapanan daytoy ti panagtriple ti bayadan a danum ti umili a masuplayan manipud iti daytoy a proyekto.

Agbunga met ti dakkel a dadael ti proyekto iti aglawlaw ken *watershed* iti sakaan ti Sierra Madre. Lumned ti walo a barangay kadagiti munisipalidad ti Tanay, Rizal ken Gen. Nakar iti Quezon. Saklawen daytoy ti 27,800 ektarya a daga nga agrikultural ken dagiti ansentral a daga dagiti Dumagat. Agarup sangapulo ribu nga umili nga agna-naed ditoy ti mapapanaw.


Namin-anon a daras a ginandat ti gubyrerno nga ituloy ti proyekto a Laiban Dam ngem nairut a supsupyatenen ti umili daytoy manipud idi mairugi daytoy idi dekada 1970. **AB**

## P13 bilyon a kurakot iti panagangkat ti Vietnam rice

**D**umanon iti P13 bilyon ti kurakot iti panagangkat ti bagas manipud idia Vietnam ita a tawen. Ti kurakot ket manipud iti 45% tuon iti presyo ti bagas nga ang-angkaten manipud sadiay.

Nakinegosasyon ti rehimen nga Arroyo idi Enero kenni Prime Minister Nguyen Tan Dung ti Vietnam tapno gumatang ti 1.5 milyon a metriko tonelada a bagas iti balor a \$550 tunggal tonelada, 45% nangatangato ngem iti \$380 kada tonelada nga isu ti agraraira idi a presyo ti bagas iti sangalubongan a pagtagilakuan.

Kayat na a saoen, nagbayad kano ti gubyrerno ti Pilipinas iti Vietnam ti nayon nga \$170 wenno P8,840 kada tonelada. Kabatog daytoy ti kurakot a nasurok P13 bilyon para iti 1.5 milyon a metriko tonelada ti bagas.



Segun kenni Anakpawis Rep. Rafael Mariano, ti nayon a 45% iti presyo ti nangangkat a bagas ket kaipapanan na met ti saan a nababbaba ngem 45% a panagngato iti presyo daytoy a bagas iti lokal a pagtagilakuan. **AB**





# Kudeta idiyay Honduras

**"T**i kudeta idiyay Honduras ket desperado a panaggandat dagiti pueras nga ultra-kannawan iti uneg ti tradisyonal a maka-US nga agturturay a dasig idiyay Honduras tapno lappedan ti dumurdur-as nga ayus ti panagbalbaliw manipud iti baba."

Daytoy ti komentaryo ni Kadua nga Jose Maria Sison iti panangagaw ti poder idiyay Honduras idi Hunyo 28 idi puersaan nga innala ti 200 soldado ni President Jose Manuel Zelaya ken itayab isuna agturong iti Costa Rica. Dagus a naisukat kenni Zelaya kas "temporario a pangulo" ni Don Roberto Micheletti Bain, ti *speaker* ti National Congress, kalpasan a basan ti maysa a peke a surat ti panaglusulos kano ni Zelaya.

Iti daydi met la nga aldaw, inaresto dagiti reaksyonaryo a militar dagiti kagawad ti kabinete ni Zelaya. Imbalud da met dagiti embahador ti Venezuela ken Cuba ken kinamat da dagiti lider dagiti progresibo nga organisasyon masa.

Nagdudupudop met iti kalsada ti umili nga Honduran tapno supyaten ti kudeta. Nangirussuat ti kabuklan a welga dagiti mangmangged, estudyante, kababaihan, ken dadduma pay a sektor ken saan da a sinurot ti *curfew* nga impataw ti baro a rehimen.

Naranggas ti nagbalin a sungbat ti reaksyonaryo nga hukbo nga idadauluan ni Gen. Romeo Vasquez. Sumagmamanon ti napapatay, ginagasuten ti nasugatan ken ginagasut pay ti naibalud.


Nagkumplot ti imperyalista nga US ken dagiti apo't daga ken komprador nga oligarkiya iti panangpatakyas kenni Zelaya gapu iti pumigpigs a panangpabor ti gubyrno na kadagiti ilablabaan ti tigna-

yan a maysa ken kadi dagiti kontra-imperyalista a puersa iti pagilian, maibilang ti panaglapped iti imperyalista nga interbensyon ken patakaran ti neo-liberal a globalisasyon ken pannakialyansa na kadagiti kontra-imperyalista a gubyrno iti dadduma pay a pagilian.

Duron dagiti pumigpigs a protesta ti umili, impangato ti gubyrno a Zelaya ti sueldo dagiti mangmangged ken sueldo dagiti tiser ken ninayonan na ti badyet para iti salun-at ken edukasyon.

Nakitulag met ni Zelaya iti Venezuela para iti suplay ti langis ken timmipon iti rumusrusing a Bolivarian Alternative for the Americas (ALBA) nga agpangpanggep a pagkaykaysaen dagiti pagilian iti Latin America ken kontraen ti dominasyon ti imperyalismo nga US iti rehion. Nangibangon met isuna ti nakasingsinged a silpo iti Cuba ken nagbalin a kaunaan a pangulo ti Honduras a bimmisita sadiay iti uneg ti napalabas a 50 tawen.

Ti insigida la unay a nangiduron kadagiti puersa nga ultra-kannawan tapno patakyasen ni Zelaya ket ti plano na a panangirussuat ti plebisito para kadagiti panagbalbaliw iti konstitusyon. Ad-adda pay ngem iti panangpaatiddog ti termi-



no ni Zelaya, ti mas batayan pay a tartarigagayan a lappedan dagiti ultra-kannawan a puersa ket ti panangiyabante kadagiti ad-adda pay a signipikante a reporma iti politika, ekonomya, ken kultura a kontra iti interes da.

Nagsanggir iti suporta ti imperyalismo nga US dagiti heneral a nangidaulo iti kudeta. Makuna pay a ti reaksyonaryo nga hukbo ti Honduras ket ramay-ramay ti Pentagon ken dagiti heneral a mangidaulo ditoy ket dumaldalan kadagiti treyning-militar iti School of the Americas idiyay US para kadagiti espesyal ken nalimed nga operasyon militar, karaman ti panangisayangkat kadagiti kudeta, panangiwaras ti teror, ken panangibangon kadagiti diktadura a militar. Dagiti nangagaw ti poder ken nagbalin a diktador idiyay Honduras ken dadduma pay a pagilian idiyay Latin Ame-

*"Honduras..." suruten idiyay panid 9*

## 7 iti 10 Pilipino, madi iti cha-cha

DUMANON iti 70% ti umili ti madi iti *charter change* nga iyab-abante ti rehimen, segun iti kaudian a surbey nga inyaramid ti Social Weather Stations (SWS).

Segun iti SWS, pito iti tunggal 10 Pilipino iti intero a pagilian ti madi iti *cha-cha* no mangted-dalan daytoy iti panagbalin nga opisyal manen ni Arroyo iti pagilian. Kaaduan ti simmupyat iti Metro Manila (83%) ken sumaruno dagiti taga-Luzon (70%). Kabayatan na, 55% ti mamati a ni Arroyo ti adda iti likud ti gakat a baliwan ti konstitusyon.

Naaramid ti surbey idi Hunyo 19-22, 2009 nga adda nainterbyu a 1,500 katao.

Kagiddan na, inruar met ti SWS ti resulta ti surbey na maipanggep iti *net satisfaction rating* ni Gloria Arroyo iti daytoy maikadua a kuartier. Segun iti SWS, 56% ti saan a makontento iti trabaho ni Arroyo ken agarup 25% laeng ti makontento.

## Baro nga opensiba idia India

DUAPULO KET syam a polis ti natay idi rauten isuda dagiti Nalabaga a gerilya iti distrito ti Rajnandgaon, estado ti Chhattisgarh. Dua nga opisyal ti polis ti dagus a napasag iti umuna a buelo ti panagatake.

Iti naisina a panagraut, napapatay ti hepe ti polis ti Rajnandgaon a ni Vinod Kumar Choubey. Inambus dagiti mannakigubat ti komboy dagiti polis a mapan kadagiti kaaw-awayan ti Khoregaon ken Karkoti.

Kabayatan na, itay maudi a lawas ti Hunyo, 11 opisyal ti polis ti natay kalpasan a maambus ti trak da. Agpasubli dagiti polis naggapu iti Chhattisgarh idi bigla nga ambusen ida dagiti mannakigubat. Iti met naisina nga opensiba idia Tonyngapal, 500 kilometro iti Abagatan nga estado ti Raipur, nasugatan ti 11 polis kalpasan a matamaan isuda iti maysa a *landmine* dagiti gerilya.

### manipud panid 8

rica ket dimmalaan iti panagsanay sadiay.

Tinawen, nasurok 50 agtitipon nga operasyon ti iwaywayat ti US Southern Command ken Honduran Army. Iti daytoy napalabas a dekada, nasurok \$18 milyun a balor dagiti armas ken pangmilitar a ramit ti insustento ti US iti aso-aso nga hukbo nga Honduran. Malaksid ditoy, pomponduan met ti US State Department, US Agency for International Development (USAID), ken National Endowment for Democracy (NED) dagiti kangrunaan a reaksiyonyo a partido ken politikal nga organisasyon ken dagiti napili nga organisasyon a “civil society” idia Honduras, maibilang dagiti direkta a sumupsuporta iti kudeta.

Ti inisyal met a sungbat ti US iti kudeta ket natamnay a panawagan iti “amin a politikal ken pangkagimongan nga aktor iti Honduras a respetuen dagiti demokratiko a pagannurotan, ti linteg, ken dagiti doktrina ti Inter-

American Democratic Charter.” Nalames daytoy iti nalawa a panangkondena ti internasyonal a komunidad iti iligal a kudeta ken iti kumarkaro a kinaranggas ita ti militar idia Honduras.

Nagpanawagan ti Organization of American States, ti Rio Group (a bukuklen dagiti kaaduan a pagilian iti Latin America) ken ti General Assembly ti United Nations a dagus ken awan ti kondisyon nga isubli ni Zelaya.

Iti danag a nakaro a maisina ti US iti adu a pagilian, aglalo iti Latin America, naobliga laengen ni US President Barack Obama a bigbigen a lehitimo a presidente ti Honduras ni Zelaya ken iligal ti panangkudeta kenkuana.

Iti kasta, matebtebbag ti napigsa a panagkedked dagiti nagkudeta a maisubli iti poder ni Zelaya gapu iti napigsa a sangalubongan a presyur, aglalo manipud iti dadduma pay a kontra-imperyalista a pagilian iti Latin America.

Napilitan nga aglukat ti bunggoy a Michelleti nga adalen ti pito-

punto a gakat para iti “panagkaykaysa ken rekonsilyasyon” a mangted-dalan iti panagsubli ni Zelaya. Dagiti soldado manipud idia Venezuela ken Nicaragua ti agserbi a puersa a pangseguridad a tumulong iti panagsubli ni Zelaya.

Kuna ni Professor Sison, maki-kaykaysa ti International League of Peoples’ Struggle (ILPS) iti umili ti Honduras iti nabannuar a panaglaban da kadagiti puersa nga ultrakannawan a nangagaw iti poder ken nakaro nga agrangranggas ita tapno lipiten ti umili. Kuna na a rumbeng a bigbigen ti umili nga Honduran a dagiti lider a pumuposisyon a progresibo ngem saan pay a produkto ti rebolusyonaryo a proseso ket bulnerable iti atake dagiti imperyalista ken dagiti ultra-reaksiyonaryo nga aso-aso da.

“Rumbeng a gundawayan da ti madama a krisis ti agturturay a sistema iti Honduras tapno mangibangon kadagiti pudno a rebolusyonaryo a puersa para iti nailian ken pangkagimongan a pannakawayaya.”

AB